

Transkription von Stadtbucheintrag HWI 1389a

Ort, Datierung: Wismar, 1389-??-??

Signatur: Stadtarchiv Wismar, Liber proscriptorum, S. 26-27

Inhalt: Rat der Stadt Wismar: Verfestungseinträge

Johan boekheem de iu(n)ghe is voruestet dar v(m)me dat ge / hinric Wende den zedeler heft vormordet by nacht / slapender tyd in der jeghenwardecheit myner heren / vorbenomet/

Claus krogher to plote vnde sine beyden zones sint / voruestet dar v(m)me dat ze mathias koldregher hebbet / sc¹ spoken vele quader wort vnde hebbet em to ghene=/ghet egh² egghe vnd(e) ort .

[Anno 1389]

ghereke kogheler is voruestet dar v(m)me dat he tylze=/ke langhe reyzen heft an ghewrocht ene vllenkomene / wu(n)den myd egghe vn(de) myd orde also alze he voruluch=/tich is gheworden vnde myd alleme lubesschen rechte / vorwu(n)nen in der ieghenwardech myner heren vorbenom(et) /

Tydeke scerer hinric greuesmollen . hincric / sculte de sint vor vest dar v(m)me . dar vm(m)e / dat ze hinrike To Ener ange wrocht hebbe(n) / dre wullekome(n) wu(n)de(n) mit ener zamede(n) hant / in der jeghe(n)wardicheyt myner here(n) her / hinrik boeces vn(de) her Johan vobuers /

Henneke vo(n) der lûe vn(de) sin broder sint / vor vest(et) . dar v(m)me dat ze hinric spalkehauer / an verdeggheden myt velen boze(n) worden . vn(de) wolden ene hebbe(n) dot ge slage(n) . des zint ze / mit rechte vor wu(n)ne(n) i(n) der jeghe(n)wardicheyt / myner heren vor nom(et) //

Jngmer is vor vest(et) dar v(m)me dat he zik [...] / inder hechte . dat he johan vaghel nicht [...] / vntwike(n) . were dat he em vntweke . zo scolde [...] / vor wu(n)ne(n) der zake . dar he ene v(m)me an claghe / v(m)me de welde vn(de) wolt vo(n) des scepes weghe(n) [...] / v(m)me de xxx m(ark) i(n) jeghe(n)wardichet miner [heren] / vor be nom(et)

¹ **sc** durchgestrichen

² **egh** durchgestrichen